



Arubaanse Courant

Anja 26.

DIALUNA 8 JUNI 1964

No. 5052.

Apertura di exhibicion "Aruba Nostra" cu ceremonia dia 12

ORANJESTAD, 8 juni - E directiva di "Aruba Nostra" a logra pa tene su exhibicion di restonan di cultura bieuw di Aruba hunto cu e presentacion di e comedia "Suerte' Pushi Preto" di Mascaruba. Asina dia 12 venidero e premiere di e comedia lo tuma lugar, mientras cu e apertura oficial di endudable un exhibicion importante, lo tuma lugar mes dia den Centro Cultural Aruba.

E apertura aki tumando e karakter importante di e exposicion y tambe como cu ta promer biaha cu "Aruba Nostra" ta organisa algo pa publico, lo tuma lugar cu un ceremonia. Nan kler duna e apertura aki un cachet special y pa esaki invita algun prominente di nos comunidad. Durante di un reunion di directiva cual a worde teni Diahuebes a worde dicidi pa pone e diferente artefactonan na exhibicion den vitrinanan, pa asina proteha nan contra di bishitanan cu por bira mucho curioso. Parse cu ya Colegio Arubano a priminti di fia un vitrina pa e bon proposito aki. E colleccion di e artefacto nan aki cu gusto ta worde fia na "Aruba Nostra" pa e proposito aki door di pastoor Nooye, di Noord, y senjor nan Domi Tromp, Leonard Dunoulin, J. Opdyke, J. Lester, F. C. Ealon, Joseph Chri-

stiaans, Eddy Muller y e damanan Diane Jackson, y J.H. Watkins. Srta. Wil Schaap kende ta

Cooling Off na Aruba ta continua ainda??

E semanario Arubano "The Local" di diabiernes ultimo a anuncia, cu e mediador di Gobierno Central señor R. Laan despues di a tene deliberacionnan siman pasa cu directiva di Lago y directiva di Independent Oil Workers Union of Aruba, e weekend cu a pasa lo a bai bishita Ministro C. Kroon pa un intercambio di idea den e disputa di trabao entre e union y e compania petrolera. Y segun e semanario parse cu señor :Laan a propone pa sigui cu e tempo di

FATUM

Pa tur bo aseguranan
Tel. 1845.

Cyclistanan ta bai tene picnic

SAN NICOLAS, 8 juni. - Un grupo di ciclista y atletanan di Arubaanse Athletiek en Wielrenner Bond lo participa na e encuentronan cual na ocasion di Olimpiada di A.S.U. lo worde teni dia nuebe y diez di juni na Lago Sport Park y pa cual participantenan for di Venezuela y Colombia a worde invita. Pa yuda combati e gastonan di e olimpiada A.W.B. dia 15 di juni lo tene un picnic grandi na Cabiishi Palo Margo na Weg Seroc Blanco na San Nicolas.

Tambe A.A.W.B. a participa cu ta intencion pa Aruba participa na e caredanan di bicicleta cual lo worde teni na luna di agosto na Venezuela.

warda e "coleccion Bongers", tambe a priminti esaki. Tambe por worde spera cu e coleccion chikito di Oficina di Turista lo worde exhibi. E organisadornan a trata di exhibi un variacion, esaki por ehemplo por a worde logra door di e variacion di urnanan, cu ta varia door di nan decoracionan etc. Tambe lo tin un serie di hacha di piedra. Na e exhibicion lo tin representantenan di Aruba Nostra pa duna esnan interesa mas informacion tocante di loke nan ta mira.

"cooling-off", cual dia 13 di mei ultimo a cuminsa pa un tempo di trinta dia, te cu dia 1 di juli venidero.

LYDIA HENRIQUEZ A FIRMA PA CONCURSO „MISS UNIVERSE"

ORANJESTAD, 8 juni - Diasabra mainta ultimo srta. Lydia Henriquez, Reina di Carnaval di Aruba 1964 y di Club Caribe a entrega su formulario di participacion na e concurso di Miss Universe na Miami Beach na oficina di Turismo di Aruba cu lo mande pa organisadornan di e concurso menciona. E concurso lo ta na fin di juli of cuminsamento di agosto proximo. Cu esaki a bira sigur cu srta. Lydia Henriquez e aña aki lo representa Aruba na e concurso di belleza pa "Miss Universe" na Miami Beach.

Mas o menos dos siman pasa srta. B. Pereira, un di e organisadornan di e concurso na Miami Beach tabata na Antilla pa busca bellezanan pa participacion na e concurso pa Miss Universe. Na Corsow caminda aña pasa un concurso a worde teni entre e bellezanan Curazalenjo pa eligi Miss Curacao esaki ta tuma lugar e aña aki atrobe. Pero na Aruba e circunstancianan tabata otro y tempo cortico y asina a worde dicidi di laga e Reina di Carnaval di e aña aki hanja e oportunidad pa participa na e concurso di Miami Beach. Organizador Pereira tabata sumamente contento cu e desicion aki y a laga formularionan atras pa duna tempo di desicion na srta. Henriquez. Esaki a tuma lugar diasabra ultimo. Y manera nos a scribi anterior-



Srta. Lydia Henriquez na fin di Juli of di Agosto venidero lo bai representa Aruba na e concurso di belleza cual lo tuma lugar na Miami Beach y ta pa e titulo di "Miss Universe". E decision aki srta. Henriquez, Reina di Carnaval di Aruba (foto ta muestra momento cu e ta worde corona pa Gezaghebber C.S. Henriquez), a tuma diasabra mainta ultimo door di firma e formulario di participacion.

nos a worde informa, den un di e dianan aki un comite lo worde forma cual lo tuma ariba su encargo pa hanja e fondo y articulonnan necesario pa e representacion di e representante di Aruba na e eleccion di "Miss Universe".

HUMA UN CIGARIA
VERDADERO
HUMA UN
CAMEL



FAVORITO DI ARUBA



SABOR CU NUNCA TA
VARIA

IT NEVER VARIES.

Officier ta exihi: UN ANJA Y MEI DI PRISON PA PISTOLERO DI S.NIC

ORANJESTAD, 8 Juni. - Dilanti di e mesa berde den sala di husticia na Oranjestad, a tuma lugar ayera mainta tratamiento di e caso di e hoben P.J.L. di Corsow, kende dia diez seis di Mei ultimo a tira e caballero D.J. cu un pistol door di su garganta. Huez J. van Koot extensamente a haci pregunta na e acusado L. en relacion cu loke a pasa promer cu e accidente y na e momento fatal. Claramente e acusado a purba di muestra husticia cu el a trata di defende su mes. Officier di husticia senyor S.H. Tjon A Jong tabata di otro opinion. El a bisa cu e acusado promer cu el a worde ataca of na momento cu el a worde ataca pa J. e tabatin mas cu tempo pa corre bai, pero pa no pasa pa un cobarde dilanti di e otro personanan eyan el no a corre pero a tira D.J. den su garganta cu un solo tiro. Officier di husticia a hanja esaki, esfuerzo pa mata y a exihi un anja y mei di prison contra P.J.L.

Segun e acusado). L., un hoben Curazolenjo kende na San Nicolas basta tempo ta trahando como monteur, a conta dilanti huez tin mas cu un anja caba cu e cu D.J. tin pleito cu otro. E pleito aki a resulta despues di un wegadi douw. Na e ocasion aki D.J. parse a corre tras di acusado cu un schroefdraal. Na e ocasion aki acusado no a paraya a corre pa D.J. Despues di basta tempunan a bolbe topa cu otro na cierto lugar caminda nan a cuminsa pleita pero no a sosode nada mas cu algun palabla pisa a cay. Segun e acusado despues di e promer pleito cu nan tabatin cu otro el a keda tene cuidao cu D.J. como cu esaki dia cu el a corre cu e schroefdraal su tras a menase di mate. El a sigui bisa cu diferente blaha J. tabata buske pleito pero cu tanto pisibel e tabata elimina esaki cu excepcion ariba e dia na e chinees caminda nan a pleita pa di dos blaha y ariba dia 16 di mei, e dia cu el a manda un bala di un pistol caliber 32 door di e garganta di su adversario.

Ariba e dia cu el a los e tiro ariba J. segun acusado e dia a cuminsa masha bon y frankil pe. E no tabatin ningun trabao y peisei a sali for di e cas caminda e tabata keda, serca un tal G. y abai Flying Club caminda el a papia cu

un persona. Despues di esey el a bolbe na e cas caminda e ta keda. Como cu su auto (capabaha) tabatin algo ta bati na dje e kier a dreche. Esaki e kier a haci den e cura di G. kende tambe ta un automonteur. Pero aya el a contesta su adversario D.J. kende tabata para ta papia cu e rumanan G. y un otro caballero. Segun L. ora cu el a mira J. e no tabatin ningun intencion malo y unicamente kier adrecha su auto. Ora cu el a para su auto na otro banda di caminda e cura di G., wardando ariba e auto cu ta drechando pa sali, parse cu J. a waak den su direccion y el apuntra, esta J. a puntra L. kiko e ta mirando. Huez van Koot diferente blaha a bolbe ariba e punto akiden cual L. ta muestra cu ta J. a cuminsa e pleito, mientras cu e ultimo ta bisa net lo contrario. En to ta bisa net lo contrario. En todo cas a sigui un entre cambio di e ora J. a col un pida hero for di suela cu cual el a ranka bin ariba L. Na momento cu J. a col e pida hero el a bisa cu e lo mate. Acusado a bisa di a sinti sumes menasa y cu e no a hanja tempo di sali for di den su auto como cuesaki e porta ta kibra y ta habri di pafor y dificilmente. Segun el a conta huez promer cos cu el a corda ta ariba e pistol cual e tabatin bao di e banki di su auto. E-

saki dos dia anterior el a pone a den. El mirando cu J. a rankabin ariba dje cu e pida hero den posicion pa dale, el a sak abao col e pistol lamta ariba y tira inmediatamente. Acusado a keda persisti cu e no a tira cu intencion malo ariba J. pero unicamente pa spante. Ariba preguntanan di huez el a bisa cu e pistol al a compra serca un marineroy cu tin esaki semper carga como cu e tabata traha na garashi di otro hende y ta keda su so eyan. Dital manera e tabatin e pistol pa caso di emergencia.

E victima J. a worde tendi door di huez como testigo: Esaki a duna un declaracion basta otro for di e acusado. Entre otro el a muestra cu ariba e dia fatal di tiramento no ta e a cuminsa cu e pleito pero L., kende parse cu palabra menos bunita a puntra kiko e ta mira, ora cu J. a waak den su direccion. Segun testigo e pleito a continua y cierto momento el a camna bai cu e pida hero cual e tabatin den su man promer cu e pleito a cuminsa ariba L. Papuntra ta kiko e tin contradje. Parse L. no a perde sak bao y bin cu un pistol ariba cual el apunta ariba J. segun e testigo e ora el a bisa L. cu e no tin miedo di pistol y L. mesora a tje. Ora cu J. a ripara cu e tabata herida el a camna bai despues a sinti den auto di G. kende a bin sinti serca dje. Un rato despues L. a bin para su auto banda di esun di G. y a bolbe punta e pistol ariba J. bisando waak mi a trobe mi ta bolbe tirabo. Dos otro testigo a duna declaracionnan mostrando cu ta L. a cuminsa e pleito, pero cu J. ta esun cu a col e hero y a ranka bai ariba L. Despues di cual a resulta e tiramento Y segun un di e testigonan G. e hoben L. despues a bolbe menaza cu e pistol.

OFFICIER

Den su pidimento fiscal officier di husticia a muestra cu durante un anja e situacion entre e hoben L. y J. tabata yen di tension y dia diez seis ultimo e tension aki a yega na un punto culminante y a explota den forma di un tiramento. Segun officier L. ora cu el a mira cu el tabata ataca por a corre bai cu su auto of hasta por sali na careda. Pero e no a haci esaki, como lo tabata un berguenza pe. Pesey el a tira J. ora cuesaki a serka. E motibo pakiko e no a mate, kizas ta pasobra e no tabatin bala mas den e pistol. Esaki no por a worde controla como cu el a tira e pistol afor sin cu esaki por a worde hanja mas. Segun officier acusado a mik ariba e victima y a tje cu intencion di mata. Sin embargo officier kler a tene cuenta cu tur cos manera e agresividad di J. y e tension entre nan dos. Pesey el a pidi un anja y seis luna di prison



BO A PIDI



GAS CABA?

1898 - 1198

Vogelhuis Angelica

Aruba's first Pet Shop
AWOR A MUDA PA
ELLEBOOGSTRAAT Nr. 9

Na Parkeerplaats patras di La Moderna.
* A caba di yega un surtido grandi di

TUR SORTO DI PARHA
VARIOS SORTO DI PISCA, MARMOT,
HAMSTER, EEKHOORN.
Nos tin tur cos pa bo
P E T

cuminda, remedi, jaula, pomp y adorno pa
acuarium etc. na

prijnsnan masha atractiva.

NOS TA REGALA UN BUNITA CARNARI CANTANDO DEN SU JAULA,

NA E PERSONA KENDE POR BISANOS CUAL TA E PALABRA FOUT SKIRBI Ariba Fachada di nos lugar nobo. MANDA CARTA A DEN CU BO CONTESTA Y NOMBRE COMPLETO.

E CONCURSO AKI TA CERA DIA 13 DI JUNI. SI TIN MAS CU UN BON CONTESTA, ANTO SUERTE LO DICIDI.

cuminsamento dia 16 di mei ultimo.

Acusado despues di epidimento fiscal a pidi huez clemencia ya a muestra cu si J. no a ataca lo e no a tira ariba esaki. Huez su contesta tabata cu acusado apesar di tur cos a bai mucho leeuw. Despues di dos siman lo e duna sentencia.

Recorda papa dia 21 di juni venidero



CU UN BUNITA FOR DI NOS EXTENSO SURTIDO * camisa, carson, dashi, etc. etc.

La Linda

Diasabra anochi ultimo, Arubaanse Dans en Ballet school a presenta su actuacion annual di ballet cual ta worde treci ariba podlum pa alumnonan di e school menciona. E presentacion di Diasabra a tuma lugar den Centro Cultural na Oranjestad pa un publico basta grandi cu a goza inmenso di e bailenan di e alumnonan di Arubaanse Dans en Ballet School bao di guia di e instructora di ballet di Sticusa srta. Pola Jorissen. Aki nos ta mira un grupo di e hobencitanan cu seguramente a duna un bunita presentacion diasabra anochi.

TE HUUR AANGEBODEN

van 1 juli t/m 30 sept. gemeubileerde woning met 3 slaapkamers (1 met Airco) te Venezuelastraat. - Huurprijs nader overeen te komen. Inlichtingen: ged. kantooruren Telefoon No. 1180.

TA BUSCA PA HUUR

Un bon cas cu por lo menos

3 dormitorio

Situa na Oranjestad of den cercania.

Offertanan por worde haci via tel. 2116/1116.

Cumpra bo tairanan

Continental

awor y laga nos monta nan

GRATIS pa bo.

Tur tamaño na existencia.

E. & G. MARTIJN (ARUBA) N.V.

Havenstraat 10-12
tel. 1492 - 1493



BOTICA ARUBA

Personal competente
+ Maquinaria moderna
+ Servicio excelente.

Jama No. 1080 - 1081
of 1180

y nos ta busca bo recept y entrega e remedi na bo cas.

AMIGO DI ARUBA TA ATAKA OBISPADO

ORANJESTAD, 8 juni - Den e ultimo edicion di "Amigo di Aruba" atrobe un atake fuerte a worde lansa ariba obispado di Willemstad, pater Dr. Micklinghoff y otronan cu na e banda di e diario katholico Amigoe di Curacao cual na Aruba ta worde parti bao di e nomber Amigoe di Aruba, ta envolvi den e pleito entre senjor Amador P. Nita y Paulus Drukkerij. Den e articulo extenso señor Nita ta acusa su contra partida di presion economico. E ta bisa si di no tin miedo di hendenan cu por mata spirito, pero no por mata alma. En relacion cu esaki e ta ripiti e palabranan di e antes procureur general na Antillas, mr. Jopito Ellis, cu lo bisa: "Te ainda tin hueznan na Antillas".

hanja castigo a cambia pa presion economico" "Majoria di e sociacionnan, comerciantenan rico y trustcompanies di nos tempo, ta hiba un politica di presion di esnan economicamente debil y hasta institucionan cu tin e predicato "amabilidad", tin como na proposito di hanja tanto rikeza mundano cu ta posibel".

"E mas cu conocido caso di Paulus Drukkerij contra di Amigoe di Aruba ta un di e casonan tipico di muera di poder economico, lastimamente. E tempo di monseigneur Nieuwindt a pasa. Apesar di nos protestnan, awor bao di gia y bendicion di e obispo na Willemstad e nomber di Amigoe di Aruba ta worde usa pa un diario, mientras nos ta e unico cu tin derecho ariba e nomber ey".

E pleito entre senjor Nita y Paulus Drukkerij ya ta conoci ta basa ariba e echo, cu señor Nita ta acusa Paulus Drukkerij di inhustamente ta usa e nomber di "Amigoe di Aruba", pa reparti su "Amigoe di Curacao" na Aruba. Senjor Nita ta bisa cu ya ta hopi tempo anterior e tabata usa e nomber ey pa su periodico, pues doer di cual Paulus Drukkerij no por tin e derecho di usa e nomber ey.

Despues di esaki e escritor di e articulo ta sigui cu palabranan pikante contra di pater Dr. Micklinghoff, kende parca a hunga un papel importante den e deliberacionnan entre Paulus Drukkerij y senjor Nita, tambe contra Mr. van de Voort, kende den e proceso na Aruba, cual a worde cuminsa door di senjor Nita contra di Paulus Drukkerij, ta defende e interesnan di e Drukkerij, tambe contra senjor van der Schoot kende ta correspondente di e diario di obispado na Willemstad, como cu esaki segun escritor no ta usa su poder pa duna senjor Nita su derecho, ariariba segun cual e tin derecho. Señor Nita ta termina su articulo den "Amigo di Aruba" - cu: "Nos no tin miedo di hendenan cu ta muri. Mr. Jopi Ellis, kende tabata procureur general na Antillas na su despedida a bisa duro y claramente: "TE ainda tin hueznan na Antillas".

Den e articulo menciona aki riba Nita ta bisa entre otro: Caminda e poderosonan di mundo tempo di paganaismo, tabata persigui y maltrata esnan cu no por defende nan mes cu castigunan ariba curpa awor den nos tempo moderno y crimennan akita worde cometi cu medianan economico". "E hende cu ya no por persigui y castiga su prohimo cu castigunan ariba curpa sin e mes

CORSOW TA APOYA DESEONAN DI AVIACION ARUBANO

ORANJESTAD, 8 Juni. - Senjor Arturo Jessurun, miembro di directiva di organizacion di comercio di Curacao, ayera mainta ora cu e tabata di transito na aropuerto di Aruba, a declara cu e organizacion di Corsow ta apoya e deseonan Arubano na e deliberacionnan di aviacion na Hulanda. E organizacion na Corsow como muestra di su apoyo na e deseonan Arubano, cual diabierna ultimo a worde manda telegraficamente pa Hulanda, tambe a manda un telegram pa e premier Hulandes y Antillano na Den Haag, declarando nan apoyo na e punto di bista Arubano. Manera ta conoci tin deliberacionnan entre B.C. di Corsow y e compania di aviacion di Puerto Rico, Caribbean, cual kier cuminsa un servicio di vuelo pa Corsow: Tambe cu tarivanan extra abao.

Korps pa duna yudanza estableci na Aruba

ORANJESTAD, 8 juni - Diahuebs anochi a worde estableci na Restaurant Trocadero na Oranjestad, e Korps pa Hulpverlening (Korps pa duna yudanza). E establecimiento di e korps aki, cual ya ta existi na Hulanda, pero no ta conoci ainda na Antillas, tambe di gradici na e iniciativa conhunto di señornan Hildo G. Rakamy, C. Janga y Joe Margaretha. - Durante di e reunion di establecimiento mesora un directiva a worde forma, cu ta consisti

di presidente Rakamy, vicepresidente Janga, administrador Margaretha y comisario Wilfriedo Kelly, Johnny Kamperveen y Daniel Leo. E intencion di e Korps aki ta pa duna yudanza ariba tanto terreno posible, manera den caso di uesastrenan grandi of chikito, duna yudanza na ora di candela etc., E entradanan lo nan saka for di contribucion, donacion y accionnan importante, manera loteria nan etc. Y a parca e korps tin un binti miembro na Aruba.

FOR FULL PROTECTION! OWNERS OF

Valiant
Dart
Plymouth
Dodge
Chrysler
Imperial

ALWAYS ASK FOR



CHRYSLER ENGINEERED
PARTS
ACCESSORIES
ENGINE
AND CAR CARE
PRODUCTS

Agents for Aruba:
Viana Auto
Supply Co. Ltd.
Bernhardstraat 101
San Nicolas Ph. 5120-5121


Anja favorable pa fabrica di Fiat

ORANJESTAD, 8 juni - Den reciente relato anual di accionistanan di FIAT, siguiente cifranan a worde menciona. Durante anja 1963 e cifranan di venta di Fiat y OM a alcanza 932.000 millon liras (Fiat 856.000 millon y O.M. 76.000 millon) Esaki tabata 143.000 millon lira mas tanto cu na 1962.

Na tur a worde fabrica y bendi 956.469 vehiculos, di cual 277.667 a worde exporta. Na anja 1962 e cifra aki tabata 795.504. Tambe a worde fabrica y bendi un total di 38.038 tractor di cual 13.604 tabata pa exportacion. Na anja 1963 esaki tabata 32.233. Ta worde informa cu pa ultimo di december 1963 e fabrica di Fiat tabatin 126.324 empleado. Esaki ta un aumento di 6.486 mas tanto cu anja anterior. E cifranan aki alavez ta confirma e desarrollo constante na e fabrican di Fiat. Tur prijsnan di Fiat a keda mescos durante 1963, apesar di e diferente mehoracionnan cu a worde haci na e varios modelonan pa competi cu otro marcanan. Esaki por worde bisa especialmente di e modelonan nobo cu a introduci ariba mercadonan internacionales particular e Fiat 1500-L.

Actualmente e fabrican di Fiat ta bai presenta un otro modelo nobo cu ta modelo 850. Esaki ta un auto cu ta bin keda entre e Fiat 600 y Fiat 1100, door di cual e serie di autonan economico di Fiat ta keda completo cu un modelo masha moderno y

Unexpected guests? reach for Libby's



IT CAN HAPPEN - AND OFTEN DOES. SO KEEP YOUR SHELVES STOCKED WITH THE PERFECT ANSWERS - LIBBY'S MEATS. YOU CAN DO SO, SO MUCH WITH LIBBY'S AND FEEL CONFIDENT THAT YOUR GUESTS WILL ENJOY EVERY BITE.



N.V.
WINKEL'S HANDEL MAATSCHAPPIJ

AWOR BO POR BAI TE NEW YORK

cu jet di Trans Caribbean, pa
solamente \$ 78,25 pa vuelo

JAMA TELEFON 2700

Sali cuakier Diamars, Diabierne of Diadomingo den un "Fan Jet" grandi di Trans Caribbean.

E vuelo pa New York ta dura algo mas cu 4 ora (sin cambia avion na San Juan). Bisa bo Agente di Blahe, bo ke bai coe Trans Caribbean, of jama telefon 2700.

Basa riba tarifa di excursion "round trip" di 15 dia.



TRANS CARIBBEAN THE '5TH ENGINE' FAN JETLINE

completamente nobo. E constante progreso di cifranan di venta, ta confirma e exito cu tur e modelonan di Fiat: for di e Fiat 570 (cu te ainda ta e auto di prijs mas abao na henter mundo) te na e Fiat cu motor di 6 cilindro cu ta e modelonan 1800

y modelo 2300. Autonan Fiat ta worde bendi na 140 pais. Durante e reunion anual a worde participa tambe cu pa anja 1963 e ganashi netto tabata 23.616.567.462 liras, y cu a worde dendi pa paga un dividendo di 95 liras pa accion, mescos cu na anja 1962.

I.C.A. ta organisa mercado di buki

ORANJESTAD, 8 juni - Dia 20 di luna aki Indische Club Aruba lo organisa un mercado di buki na Koenoeke Abao no. 16, e cas caminda e miembronan di I.C.A. regularmente sa reuni mientras tanto cu nan no tin

nan propio club ainda. Na entregamento di bukinan hieuw, valenan ta worde duna cu cual otro bukinan por worde hanja na e mercado di buki. Alavez e buscamiento di buki por worde entercambia cu un nasinasjen y dansi dansi.

Directiva pa Union constructores

SAN NICOLAS, 8 Juni. - Na Club Bonaireano a tuma lugar diadomingo mainta esta ayera, un reunion pa e trahadornan cerca e contratistanan na Aruba. En total tabatin mas o menos un cien y binti interesado. Durante e reunion aki un directiva a worde nombra y splicacion a worde duna tocante di e proposito di e union.

Banda di mas o menos diez or a cuminsa na Clun Bonaireano na San Nicolas ayera mainta un reunion pa tur e trahadornan cerca contratistanan na Aruba. E reunion aki a worde yama hunto pa senyor F.L. Maduro, presidente

hoben di I.O.W.U.A. Union di trahadornan di Lago. Segun nos a worde informa a participa na e reunion aki, diferente miembronan di directiva di I.O.W.U.A. mientras cu senyor Eddy Maduro, representante di CLASC den Ca-

ribe tabata presente como representante di Organizacion Cristian di Trahadornan Arubano, e organisacion bao di cual e trahadornan cerca contratista lo ta. Esta OCTA ta e organisacion mayor. Amplamente e lidernan di sindicato na Aeuba a duna e presentenan un splicacion breve di kiko ta sindicato, kiko ta su proposito y kiko e por logra. Pa por cuminsa funciona rapidamente un directiva a worde eligi. Presidente a bira senyor Frans Lodewijk (Wijkie) Maduro, secretario Juan Yarzagaray y tesoro Freddy Doran. Alavez a worde eligi un steward pa cada compania di contratista. Segun nos a worde informa tin intencion pa pronto yama un reunion tambepa e trahadornan na oficina pa establece un sindicato pa nan.



I.C.R. KIER REGALA S.P.H. OTRO CAMA DI FRACTURA

ORANJESTAD, 8 juni - Diasabra merdia ultimo un grupo di mas o menos 15 hoben a bishita San Pedro Hospital caminda nan a hanja un splicacion for di Dr. A.J.C. Hazenberg, con e cama di fractura ta traha. E hobenan aki ta forma e Interact Club di Rotary cual algun tempo pasa a worde establece na Juliana School.

E motibu cu e hobenan a bai hospital San Pedro y a hanja un splicacion amplio tocante di con e cama di fractura ta traha y con util e ta pa e patient, ta pa motibu cu Interact Club di Rotary tin intencion pa mescos cu Rotary Club di Aruba a haci aña pasa, regala San Pedro Hospital un otro cama di frac-

tura. E camanan aki cu ta sumamente cara e hobenan tin intencion di cumpra culoke nan colecta cu e accionan cu nan tin actualmente, e.o. pelicula, baile etc.. For di otro banda nos a worde informa cu e cama di fractura actual cual endudablemente ta sumamente util sin embargo no ta worde usa asina tanto. Parse cu te na e momento aki e cama di fractura cual Rotary Club aña pasa a regala San Pedro Hospital a worde usa unicamente algun biaha si no ta un biaha.

N.W.I.W.A. ta celebra 20 anja existencia

SAN NICOLAS, 8 juni Netherlands Windward-Island Welfare Association na San Nicolas ta bai celebra su binti aña di existencia. Esaki lo worde celebra dia 21 di e luna aki pa cuator di atardi den e club na Pastoor Hendrikstraat.

En coneccion cu e aniversario aki, cada anochi den e siman aki lo tin algo den N.W.I.W.A. club. Awe nochi diferente artistanan lo presenta en cooperacion cu e koro di Iglesia Methodistista bao di gia di señora Eileen Turner, y Y.M. C.A.-Fanfare, cual ta worde dirigi pa senyor A. Beyde. E anochi di diamars lo worde dedica na

Diasabra merdia e Interact Club di Rotary cual algun tempo pasa a worde forma for di hobennan di Julianaschool, a bishita San Pedro Hospital, caminda nan a hanja un explicacion for di dr. A. Hazenberg, tocante di e uso y con un cama di fractura ta traha. Ariba e foto nos ta mira e hobennan rond di e cama di fractura, mientras cu Dr. Hazenberg ta duna splicacion. E hobenan tin intencion di compra un cama mas asina pa San Pedro Hospital. Pa esaki ya nan a cuminsa cu diferente accionnan. E cama cual nan a bai mira Diasabra merdia a worde regala door di Rotary Club di Aruba na San Pedro Hospital anja pasa.

Saba, St. Eustatius y Sint Maarten. Diarazon lo tin un pelicula y diahuebes un anochi di show, na cual hopi amateur ariba tereno di canto y baile lo duna nan cooperacion. E seccion di comedia di habla Ingles di Mascaruba tambe lo ta presente Diahuebes anochi. Diabierne anochi ta especial pa e bieuwan di Islana Ariba. Un grandioso baile diasabra anochi lo ta e punto culminante di e festividadnan. Diadomingo dia 21 lo tin como final den e club un programma especial di agradecimento na cual parse hopi prominentenan a keda invita.

Mutacionan den servicio di Land

Nombracion: Srta; Y. Nieuw, pa un tempo di prueba di tres luna como laborante den servicio temporario na Landslaboratorium na

HINDERVERORDENING ARUBA

De wnd. Gezaghebber van het eilandgebied Aruba maakt bekend dat een door Ricardo Winklaar ingediend verzoek met bijlagen om vergunning tot het mogen oprichten van een bakkerij ineenop de hoek van de Tomatenstraat en de Amandelstraat te Dakota te bouwen perceel, gedurende dertig dagen na heden op het Bestuurskantoor, afdeling Algemene Zaken, ter inzage ligt en dat gedurende deze termijn een ieder mondeling of schriftelijk bezwaren tegen bedoeld verzoek kenbaar kan maken.

TERITORIO INSULAR DI ARUBA

Ontvanger di Territorio Insular di Aruba ta participa na esnan cu debe awa di luna di april 1964 cu aanmaning pa es luna menciona lo ser poní na post dia 11 di juni 1964 y cu for di dia 12 di juni lo cuminsa cobra gasto di aanmaning pa es luna ariba menciona.

TA OFRECE PA BENDE OF PA HUUR un edificio pa negoshi pega cu cas pa biba

SITUA DEN CALLA PRENCIPAL NA SAN NICOLAS.
(actualmente desocupa)
INTERESADONAN POR JAMA TEL.1810



Diasabra anochi a tuma lugar e encuentronan den e rond final pa e campeon di bridge di Aruba Bridge Club. E encuentronan a cuminsa pa banda di siet or y mei y a termina banda di un cuarto pa dos. Campeon den clase-A a bira Dijkhout y Groters, sigui pa pareha De Hartog y Vocks y van Grinvsven como di tres. Den clase B a bira campeon pareha J. van Broekhoven (ariba foto na robez y drechi) mientras cu numero dos y tres a sail respectivamente Timisela y Dorsman, y senjoranan Zonjee y Bosman. E direccion di e weganan tabata den man di senyor J. van Bechtold (ariba e foto para ta mira wegana mesa di pareha Broekhoven).

Aruba; sr. D. Croes, como scirbido b. den servicio temporario na postkantoor na San Nicolas, senyor I. Geerman, pa un tempo di prueba di seis luna como scirbido A. den servicio temporario na postkantoor; senyor H.M. Quillotte pa un tempo di prueba di seis luna como scirbido b. den servicio temporario na postkantoor na San Nicolas. senyor S.B. Loepstop, como scirbido b. den servicio temporario na Vreemdelingendienst; Senyor Jose de; Rosario Lozanna como teletypist tercer klas den

servicio temporario na Landsradio en Telegraafdienst RETIRO HONORARIO senyor R.J. de Keyzer ariba su peticion. TRANSLADA senyor H.W.J. Brugman, agent di polis, promer klas pa Aruba; senyor J.B. Bernabela, agent promer klas pa Aruba; senyor N.J. van Veen, agent mayor di polis di Aruba pa Corsow. DESNOMBRA HONORARIAMENTE Senyor L.D. Jacobus, hoofdkommissies di belasting na Aruba como tal.

Trafico di avlacion na Aruba a aumenta

ORANJESTAD, 8 juni - E trafico di avlacion na aeropuerto di Aruba luna di mei ultimo a aumenta masha hopi. Compara cu luna di mei 1963 e aterizahenan a aumenta for di 237 te cu 292, mientras cu e cantidad di pasaheronan cu a yega, a aumenta for di 3275 pa 4.489. Tambe e cifra di pasaheronan di transito a subi, esta di 559 na luna di mei 1963 pa 1.729 na luna di mei ultimo.

Orden pa cera fabrica di ice-cream "pending"

Oranjestad, 6 Juni, - Dialuna ultimo e hefe di sanidad publico di Aruba a ordena pa cera e negoshinan di un cierto fabricante di un sorto special di ice-cream y leechi. Esaki para worde haci despues cu servicio di sanidad publico a haci controlamente y a constata cu e edificionan den cual e productonan ta worde traha no ta cumpli cu e reglamentonan higienico. Cierta productonan cu tabata worde bendi tabatin mucho shushedad, manera bacterianan y tampoco e fabricacion di cierto productonan tabata tuma lugarsegun reglamentonan oficial y pesey di menos calidad. Pero awor a resulta un situacion masha stranjo, como cu e fabricante di cual ta trata no a preocupa su mes cu e orden di e hefe di e servicio di sanidad y sin embargo despues di dialuna a sigui cu bendemento den su negoshinan trankilmente.

birando tempo cu medidanan ta worde tuma contra di esaki. Pero parse cu door di hopi trabao ainda B.C. no a yega asina leuw pa tuma desicion. En coneccion cu esaki ta worde recorda, cu dia binti dos di april di aña 1955 pa di ultimo biaha tal caso a sosode na Aruba. E tempo ey dos fabricante di ice-cream cu despues di avisonan toch a bende ice-cream no higienico y despues a worde verbalisa pa un ambtenaar di servicio di sanidad, a hanja castigonan di respectivamente, diezcuatro dia di prison condicionalmente y un boet di Fl. 200,- y un di Fl. 100,-

Exiladonan cubano ta consolida



MIAMI, 8 juni - E exiladonan Cubano, cu te awor aki tabata reparti den diferente grupitonan, a dicidi pa trece mas union den nan filanan y nan a establece un directiva consistiendo di cinco persona, cu mester coordina e accionnan y plannan pa tumba e regimen di Fidel Castro. Un di e miembronan di e directiva ey ta e abogado Ernesto Freyre, cu a logra troca 1100 Cubanonan cu tabata prisionero contra remednan.

E cinco hombernan a worde eligi pa e lidernan di e diferente gruponan di exiladonan, di cual e conseho revolucionario Cubano, cu a hunga un papel importante na e invasion di anya 1961, a bisa cu el a disolve su organisacion.

Elly Koot di 20 anja for di Amsterdam; un modelo di foto cu a sali prome Miss Holland y despues na Cairo a sali Miss Euro-



CUMPRO LIBBY'S



E salmao di LIBBY'S ta worde empaquetá pa conserva su sabor delicado y su smaak natural, delicioso cualkier ora di dia.

Salmao di LIBBY'S por worde sirbi como salada, riba sandwich y na balchi.

N.V. Winkel's Handel Mij.

Tyfus na Escocia ta sigui expande

Aberdeen - 8 Juni. Contra du speranzanan e epidemia di tyfus na Aberdeen ayera a expande mas tanto. Tabatin 28 caso nobo. Entre total tin awor 324 persona qu ta sufri sigur di e enfermedad y 55 caso probable. Tambe na Dundee cuater persona a worde hospitalisa ayera qu simptomonan di tyfus. Na Dundee e total di victimanan ta awor 17

*Na Nicosia estudian-
tenan demonstra contra
presencia di militarna
n ingles na Chipre. E
demostracion a tuma
lugar despues di arestacion
di un militar ingles cu
a worde acusa di yuda
e Turconan.*

J. Henriquez y J. Pandellis

den „San Juan Star“

ORANJESTAD, 8 juni - Den e edicion di diadomingo di San Juan Star di dia diez di mei ultimo e conocido autor periodista Mericano Dingofer a dedica un articulo extenso na dos artista di Aruba: e trahador di mesa di palo di kwihi Jacobo Henriquez y e aquarellista John Pandellis. Durante un bishita ultimamente na Aruba e Mericano a entrevista e dos artistanan y a tuma nota di nan trabao.

Loke el a tende y mira el a scribi den San Juan Star. Tocante di e pintor el a scribi e.o. "Johnny Pandellis is a happy-with-what-I-got -Greek born watercolorist. He has been island-hopping around the Caribbean for the past 40 years to earn a living with brush and palette- and at the same time have a little fun". Den su articulo tocante di e trahador di mesa Jacobo Henriquez tin e.o. lo siguiente: "Jacobco Henriquez,

35 formerly a boat builder who operated a tiny drydock on a sandy seashore, is now involved in a lively business of making free-form tables from trunks of the believably gnarled and knotty "kwihi" tree. The deep-red, beige and inky grain of this tree attempts to prove that nature can produce abstract compositions that belittle the imagination of the most avant-garde painter"

E dos artistanan aki di Aruba a hanja un write-up di cual hopi di nan coleganan lo keda jalosers. Por ta cu ta gracias na e encuentro di e dos artistanan aki den San Juan Star cu nan dos hunto a dicidi di haci un co-produccion den forma di e mesa di kwihi, cual eifandsraad a regala na señor L.C.M. Kerssens cu a laga Aruba? e mesa aki a worde traha pa señor Henriquez y pinta pa señor Pandellis.



COMERCIO ARUBANO TA SIGUI CRECE

ESPECIALMENTE PA DIA DI TATA

10% DESCUENTO

Ariba tur articulos

for di awe, 8 di juni te 20

di juni p.v.

REGALONAN UTIL CUAL E LO APRECIA SIGUR



Por ehemplo:

- * CABANA SET
- * CARTERAS
- * FAHA ITALIANO
- * SPORTSHIRT ARROW
- * PAJAMA
- * DASHI
- * LENSU Y MEA
- Y hopi mas articulos.

LA VENEZOLANA TIENDA MIREP
e arbitro di elegancia masculino



Ultimamente a tuma lugar den Nassaustraat apertura di e Coffee Shop di senjor Yanny Luidens, un cabaliero activo den e comunidad comercial di Aruba. Como empleado di Neme Import-Export Company e tin e conocido negoshi "Playa-Lux" y awor a habri en frente di esaki un bunita coffee shop. E apertura o-

ficial a worde efectua pa Edlinda Luidens yiu di senjor y senjora Luidens. Door di hala un sinta e panja cual tabata tapa e borchí cu e nomber di e coffee shop a bira publico. Ora cu e panja a cai y e nomber "Chi Koe Cha" coffee shop a resulta, pastoor Erkamp di parokia di Oranjestad kier a laga su bista haci fe.



Na entrada di e Coffee Shop di senjor Yanny Luidens, ariba e atardi di apertura tabatin un buki di huesped den cual e firma di esnan invita por a worde poni. Aki senjor Padu Lampe ta pone su firma "yen di ritmo" ariba e blachi di e buki di huesped. Den centro di e portret aki nos ta mira senjor Luidens y nadrechí senjora Luidens ricibi e bon deseonan di invitadonan.

Un gran cantidad di amigonan conocirnan y prominentenan di nos comunidad a bin felicita senjor y senjora Yanny Luidens cu apertura di nan negoshi nobo den Nassaustraat, esta "Chi Koe Cha" Coffee Shop.



Ultimamente e comercio na Oranjestad ta expandiendo enormemente, esaki ta muestra cu e comerciantenan y tin confianza den e progreso di nos isia. Un di e ultimo casnan comercial cu a habri su portanan pa publico den Nassaustraat ultimamente tabata Aruba Shoe Bazaar banda di Palais Oriental, caminda aki pronto Elga tambe lo habri su portanan. E apertura di Shoe Bazaar a tuma lugar Diabierne anochi ultimo bao di enorme interes pa parti di e prominentenan di nos Comunidad. E manager di e negoshi senjora Flor Maria Arends, kende a sigui un

curso especial ariba tereno di sapato etc. na E.U. aki (na robez) Diabierne anochi carinosamente y sympaticamente a duna e invitadonan un spalcacion di e calidadnan especial di e articulonon manera sapato, tas etc. cu Aruba Shoe Bazaar tin na benta.

Merca lo sigui yuda India

NIEUW DELHI, 8 juni - Merca lo sigui cu nan yudanza militar na India den anyu cu ta bini mescos cu e ta actualmente. E asunto di entrega di avionnan

pa defensa pa India ta keda en estudio. Asina ta worde bisa den un comunicado cu a worde publica awe na fin di e deliberacionnan entre e ministernan di defense, McNamara y Chavan (respectivamente di Merca e India), kendenan prome a combersa cu otro na Washington y despues, na Nieuw Deihi despues di morto di Nehroe.

E Mericanonan entre otro lo yuda e divisionnan Indio di seru, nan lo yuda mehora e comunicacionnan pa defensa aerea y entrega avionnan di transport y material pa construccion di caminda.



DAD DESERVES AN ELECTRICAL GIFT...

REDDY KILOWATT®
Your Electric Servant



FATHER'S DAY



AGENDA

ARUBAANSE COURANT

diariamente cu excepccion di diadomingo
 subscripcion f. 3.25 pa luna edicion los 20 ct.
 edita pa:
 N.V. ARUBAANSE DRUKKERIJ - en UITGEVERERS - en PUBLICITEITS MIJ.

Imprimi na:
 N.V. DRUKKERIJ "DE STAD"

Telefoon 1116 Directiva y redaccion, 2116 Anuncio y subscripcion.

Directeur hoofdredacteur:
 D. Wotff.

POR CUMPRAR ARUBAANSE COURANT NA E SIGUENTE LUGARNAN:

NA ORANJESTAD:
 BOEKHANDEL MARISKA,
 PIET SODA FOUNTAIN,
 REFRESQUERIA INGRID.

NA SAN NICOLAS
 NICOLAAS STORE,
 UNION STORE.

BOTICANAN DI WARDA

Oranjestad: Botica Aruba Tel. 1080-1081
 San Nicolas: Botica San Lucas Tel. 5119.

CINE

De Veer: 8.30 p.m. "Taras Bulba" 14 j
 Rialto: 8.00 p.m. "Ansia Juvenil" 18 j
 Principal: 8.00 p.m. "The War Lover" 18 j
 Aurora: 7.30 p.m. "La Emboscada Mortal" 18 j
 Savaneta: 8.00 p.m. "West Side Story" 14 j

TELEARUBA

5.30 Cartoons
 6.00 Annie Oakley
 6.30 Dutch Film
 6.45 Papiamento Newscast Live & Filmnews
 7.30 The Flintstones
 7.45 Papiamento Sportnews
 8.15 I love Lucy
 8.45 Have Gun Will Travel
 9.00 English Newscast Live & Filmnews
 10.00 Dutch Film
 10.30 Bold Venture

RADIO CARACAS TELEVISION

8.45 Senderos de luz
 9.00 T.V. Educativa
 10.30 Cosas de mujeres
 11.15 El hogar y la moda
 11.45 Novela
 12.00 Noticias
 12.05 Show de Renny
 13.15 Se necesita una amiga
 13.35 Cortos
 14.00 Yo se lo vendo
 14.30 Documental
 15.00 Estudio de Hector Monteverde
 15.30 Perfecta ama de casa
 16.00 Mejillas y sus muchachos
 17.00 Fuego de juventud
 17.30 Patrulla fantasma
 18.30 A gozar con salami
 19.00 Las enfermeras
 20.00 Yolanda Moreno
 20.30 Radio Rochela
 21.00 El observador Creole
 21.15 M. Squad
 21.45 Dick Powell
 23.00 Cine en español

RADIO VICTORIA

6.00 Peticiones
 6.15 E Bijbel Habri
 6.30 Ultimas Noticias
 6.45 Ecos Del Cielo
 7.15 Bo Musica Favorito
 7.45 El Sendero De Vida
 8.00 Canticanan Di Evangelio
 8.15 Mundo Femenino
 8.30 Ultimas Noticias
 8.45 Musica Di Banda
 9.00 Noticias Espanol
 9.15 Melodias Del Alma
 9.30 Morning Melodies
 10.00 World News
 10.10 The Bible For You

10.15 Through The Bible
 10.45 Organ Melodies
 11.00 Chapel Of The Air
 11.15 Novela Cristiana
 11.30 Melodias Di Merdia

P.M.
 12.00 Ultimas Noticias
 12.15 Musica Sagrada y Meditacion
 12.24 Thought For The Day
 12.30 World News
 12.45 Quiet Time
 1.00 Radio Concert Hall
 2.00 Reading Room
 2.15 Songs Of Zion
 2.30 Quiet Hour
 2.45 Radio Revival
 3.15 World News Headlines
 3.20 Ensueños Musicales

3.45 La Hora Bautista
 4.15 Ultimas Noticias
 4.30 Vertel Uurtje
 4.45 Noticias Espanol
 5.00 Musica Di Banda
 5.15 Palabranan Di Bida
 5.30 Lago Hour
 6.00 World News
 6.15 Psychology For Living
 6.30 Sailor Sam
 6.45 Listening Post
 7.00 Musical Interlude
 7.15 Off The Record
 7.30 Back To The Bible
 8.00 Musical Gems
 8.30 Nederlands Nieuws
 8.45 De Groene Weide
 9.00 Klasseke Muziek
 10.00 Sign Off

RADIO KELKBOOM

7.00 Opening
 7.02 Bon dia cu Alegria (Instrumental)
 7.30 Noticia Internacional (Amstel)
 7.45 Musica Matutino
 8.00 Seleccion musical cu disconan Latino
 8.30 Cumpleaños Feliz
 9.00 Noticia Social
 9.15 Musica Varia
 9.30 Melodias Instrumental
 10.00 Noticia Internacional
 10.05 Ritmos Latinos
 10.30 Programma di N. Habibe Jr.
 11.00 Noticia Internacional
 11.05 Musica Norte Americana
 11.15 Musica Antillana
 11.30 Musica Varia
 12.15 Noticia Internacional (Amstel)



Wimco GENERAL ELECTRIC **Wimco**

GUARANTEE & ECONOMY

don't miss this air conditioner value!

1 HIGH CAPACITY COOLING

Plus

2 REMARKABLY QUIET OPERATION



INMEDIATELY AVAILABLE FROM STOCK

THE PERFECT COMBINATION OF COOLING AND DEHUMIDIFICATION FOR LARGE LIVING AREAS... PLUS

- Remarkably Quiet Operation
- Automatic 10 Position Thermostat
- Two Speed Air Velocity
- Rotator Air Distributor
- Washable Air Filter

GENERAL ELECTRIC

FOR MORE INFORMATION PLEASE GIVE US A RING, AND OUR TECHNICAL STAFF WILL PROVIDE YOU A COMPLETE AND ACCURATE SURVEY, FREE OF CHARGE THERE'S NO OBLIGATION!

TEL. 2958 ORANJESTAD



TEL. 5162 SAN NICOLAS

room air conditioners
 For any room: your bedroom, livingroom office ETC.

Model	B.T.U.
DL 504 B	9300
BH 601 B	12500
RF 604 C	13000
RD 801 B	16500
RD 901 B	19000
RD 101 B	22500

SINGLE PACKAGE COOLING UNIT FOR COMMERCIAL INSTALLATIONS

TC 36	36000
TC 48	48000

12.30 Musica Norte Americana
 12.45 Noticia Local (Viana)
 01.00 Variacion di Ritmo latino
 01.30 Mei ora cu Boleros
 02.00 Novela (Repeticion)
 02.30 Peticiones
 03.15 Ritmos di Caribe
 03.45 La Macorisana & International Supermarket
 04.00 Musica cu sabor Azteca
 04.30 Noticia Local (Heineken)
 04.45 Cocktail Musical
 05.00 Danzones Cubanos

06.30 Musica para la Cena
 07.00 Noticia Internacional papiamento
 07.15 Musica Aleman
 07.45 Musica Norte Americana Instrumental
 08.15 Novela (Colgate)
 08.45 Musica Varia
 10.00 Sluiting.
 05.15 Musica Varia
 05.30 Alle Hens
 06.00 Noticia Deportiva (Gillete)
 06.15 Musica Varia



TUR COS MESTER BAI

kapmento di prijs ta sigui BARBARAMENTE !!

TUR DIA MERCANCIA NOBO TA WORDE TRECI ACERCA. TAMBE PA DIA DI "TATA" BON OPORTUNIDAD PA HANJA ARTICULONAN DI CALIDAD NA PRIJSNAN FAVORABLE. BISTIR PA DAMAS, PA MUCHA MUHER, PA MUCHA HOMBER Y TAMBE PA BABY.

MANSUR TRADING

(bao direccion NOBO)

Tortura di un amor

NOVELA

No. 21.

E no a sinti Hulja su enemistad, ora cu esaki a drey mira Andrea y despues di esey su cara a bira palido. Ta increibel, con e por drecha su culpa! Asombra Hulja a keda miré. E bisti di nochi, su joyasnan, tur cos ta muestra claramente con bon smaak Andrea tin. Ta lastima! Andrea su carinosidad ta afecta tur e hendenan. Cu admiracion nan ta keda mira e Condesa joven. "Pakiko bo ta asina serio, dama encantadora? un hende banda di Hulja a puntra. "O, ta bo tey?" Hulja a bisa y a cambia un mirada nificador cu e meester nobo di Angerhof, esta Arthur van Grooten, cu a trece su jiu muhé di crianza, esta Petra, cu né. Cortesmente el a saluda e presentenan y Hulja a rabia ora cu el a ripara cu Condesa Andrea a haci impresion tambe riba Arthur. Despues a bini otro di su admiradornan, dokter Hauser. "O, Condesa Hulja ta un consuelo cu mi por mirabo aki -

nan! " El a bulg riba e man cu Hulja duné, y despues numa el a bay cuminda e restonan. "Di con bo ta desanima asina, dokter?" "Ah", preocupa e hembertaliza su frenta. "Mi ta preocupa pa e concierto. E directiva di ciudad a pidimi pa mi ocupa mi mes cu né y mi a hae loke mi tabata por, pero mi no por contra destino." "Kiko a pasa?" Hulja a puntra. "E pianista cu mester a compaña bira malo di repente," dokter Hauser a bisa. "Naultimo momento el a jamabisa. Si no sosede un malager, anto e concierto lo fracasa. Mi no sa, kiko mi mester bisa e professor Brantel, kende a bin special akinan." "Pero bo no por haya un otro hende cupor reemplaza e pianista?" "Esey ta dificil, ora cu Profesor Brantel actua. E ta un hember cu capricho y bjeewu, cu ya a jega di corre cu un pianista caba foy riba e podium naturalmente cu esey ta bira un escandalo. Mi ta spera cu aweno-

chi lo no pasa algo asina. Den Hulja su wowonan tin un brillo diabolico. Ta asina lihe lo e haya e oportunidad pa vengsa su mes riba su rival?

Hopocritamente e ta keda mira e dokter; "Pakiko bo no ta puntra Condesa Andrea como pianista. E sa toca masha bon. Hopi blaha mi a tende toca. Pero no puntre ora e Conde ta huntu cu né. Kizas e lo no permiti cu su senjora actua den

publico." "Pero por favor esaki ta un concierto benefico!" "Mi tambe ta hanja esey. Purba numa". Bo ta kere en realidad, cu bo swa sa toca asina bon?" "Mi ta garantisa bo!" Tabata tin un sonrisa cu bofon riba su cara. "Mi ta confia totalmente riba bo opinion." E dokter a keda mira Condesa Hulja cu admiracion. "Mi ta spera cu lo no tin ningun incidente cu Profesor Brantel." "Di esey ho por ta sigur, mi bon dokter. Corre pidí awor." El a pusha e dokter y a sinti con e dokter ta corbardia un poco. E tabata tin miedo, cu na ultimo momento e dokter dicidi di no hacié. Cu atencion su wowonan a sigui e dokter. Te ora cu el a ripara cu Andrea a drey mire den su direccion, el a corre bira su cara. Dokter Hauser a bolbe y a sonrei agra decido cu né. "Bo ta e dama di mas

inteligente cu mi conocé, Condesa Hulja!" Condesa Hulja a contesté cu un sonrisa burlona. Sr. Brit tambe a jega cu un subrina Stefana y tur hende a cumindé carinjosamente. E peliroja ta masha nechi bisti awe nochí, "Wel", dokter Hauser a bisa ora cu el a mira Stefana. "Awe si bo ta sin carson!" "Bo ta sigur?", Stefana a puntra cu orgullo y por a ripara con cora e dokter su cara abira di berguenza, mientras cu e otro hendenan ta sconde nan cara tras di e programa pa nan por hari. "Peliroja, bo ta imposibel!" Thomas a bisa, kende ta haciendo hopi esfuerso pa e mes no cumenza hari. "Unda Andrea ta?" Stefana a puntra e Conde, kende a bolbe bek na su lugar. Asombra el a hiza su schouder y a bisa: "Abo sa unda e ta Hulja?" Hulja tabata combersando cu Von Grooten y a keda mira e Conde sonriendo mientras el a bisa: "Mi ta kere cu dokter Hauser por bisabo, unda e ta." "Si, bo senjora tabata asina amable di yudami den mi problema", e dokter a bisa. "Kiko esey ta nifica?" "E pianista pa Profesor Brantel a bira malo di repente, y mi a suplica bo senjora....., mi kier meen Condesa Hulja a bisami...bon bisá..." "No cu bo kier meen cu Andrea ta bay companja Profesor Brantel?" "Si, asina mes," dokter Hauser a bisa alivia. "Pero esey ta imposi-

bel!" Emociona Nico a lanta para. "Mi no ta compronde, con ho por permiti algo asina." "Kier meen, cu Andrea no ta capas pa companja e Profesor?" dokter Hauser a puntra spantá. "Natural cu noi!" "Pero Nico", Hulja a bisa poco poco. "Bo senjora ta toca masha bon. Hopi blaha mi a jega di tende ta train dene e kamber di musico." "Asina, kier meen cu abo ta tende mas cu mi!" E Conde ta keda mira Hulja rabia, kende ta hari numa. "Hiba mi mesora serca Andrea", el a ordena e dokter. "Mi mester hací pa mi senjora no pone su mes ridiculo!" "Pero Condesa Andrea mes a admít", dokter Hauser a bisa cu culdao. "E mes mester sa si e por of no." "Pasobra e no tin ningun idea nan ta spero akinan. Kizas e ta kere cu ta cualkier concierto". Net na e momento ey e burgemeester a aparece riba e podium y a jama tur e presentenan bon bini. Despues e cortina diki ta habri y ata Profesor Brantel cu su violon. Mas patras Andrea ta sinti na e piano. E ta muestra conmovedora y suave. E hendenan ta cuminsa bati man. "Bay riba e podium y bisa mi senjora cu e mester ganja cay flauw", Nico a bisa e dokter emocionado. E ta sigui....

RIP KIRBY

Agente exclusivo di

FRIESCHE VLAG

pa cortesia di:

lechi evaporado y lechi en polvo

JAN BODEGOM & CO (ARUBA) N.V.

MAXWELL HOUSE KOFFIE.

Horoscopo personal

ARIES-21 di maart - 21 di april - No confundi un bon presentimentu cu e conocimentunan absoluto, cerciora bo mes di e berdad den e asunto y acepta conseho di expertonan.

TAURO-21 di april - 21 di mei Conserva bo mes alerta encuanto e cosnan cu ta ocuriendo den bo alrededor. Demasiado confiansa y e poco pensamentunan por hiba bo den dificultadnan.

GEMINIS-22 di mei - 21 di juni - Quizas riba e dia aki lo existi un confusion leve cu por demora bo plannan temporalmente. Recupera bo tempu despues.

CANCER-22 di juni - 23 di juli - Cuminsa e siman nobo di trabao cultivando un actitud nobo hacia e personanan cu ta den autoridad.

LEO-24 di juli - 23 di augustus - Esaki ta un dia cu lo ta bon te na caminda cu un persona hasiele. No perde muchu tempu den cosnan cu no ta bala la pena.

VIRGO-24 di augustus-23 di september - Esaki ta un dia di bendicionnan mixto. Concentra bo atencion den e aspectonan constructiva di e criticanan.

LIBRA-24 di september - 23 di october - Cuestionnan di rutina quizas lo requiri un atencion especial. No nenga esakinan.

ESCORPION-24 di october - 22 di november - Riba e dia aki ta existi e mhor perspectiva nan pa hasi un bon negoshi. Conoce bo propio limitacionnan y hasi bo decisionnan di acuerdo cu nan.

SAGITARIO-23 di november - 22 di december - Evita disputanan cu bo amigunan. Lo ta prudente si bo yega na un acuerdo cu nan.

CARPICORNIO-23 di december - 20 di januari - E actual dificultadnan por worde resolve bon sin perhudica bo porvenir.

ACUARIO-21 di januari - 19 di februari - Tendencianan ta mezcla e dia aki, pero si bo cuminsa tempran lo bo alcanza bo meta.

PISCIS-20 di februari - 20 di maart - Prudencia ta e nota sobresaliente di e dia aki. Evita di emitir bo opinionnan personal.

SPAAR Ariba bo TYRENAN CUMpra e MEHOR CUMpra TYRE DUNLOP MAS BON NO MAS CARO.

Agente na Aruba:
N.V. WARENHUIS VAN DER REE
Oranjestad - tel. 1213



CISCO KID


pa cortesia di:

ARUBA BOTTLING COMPANY

NESBITTS den varios sabor, e refrescan mas pidi y mas gusta na Aruba.



BUCHI ROBEZ



PEPITA

with compliments of

OFICINA MARITIMA DE ARUBA

DOCUMENTATION & TRANSPORTATION FOR INCOMING, LOCAL & OUTGOING CARGOES BY AIR, SEA AND LAND



DICK TRACY

